

SCRIPT OF EVENING GOJRI NEWS BULLETIN 12SEP 2026 1700HRS

اوننگ گوجری نیوز بولٹن 12 ستمبر 2026

یوہ آکاشوانی جموں ہے محمد سفیر تے نصرت تیں خبر سُنو۔

HEADLINES

۱۔ بھارت غی صدارت مانہ 18 واں برکس اجلاس غو آغاز ہو گئیو ہے تے اس موقع و ر وزیر اعظم نریندر مودی نے اظہار کیو ہے جے بھارتی صدارت ، انسانیت نانہ ترجیح دین آلی حکمت عملی و ر مبنی ہے۔

۲۔ حفاظتی دستاں نے ضلع ڈوڈھ مانہ مشترکہ کاروائی غے دوران ہلاک کیا گیا پاکستانی جیش محمد دہشت گرد غی لاش برآمد کرلی ہے۔

۳۔ ریاستی تحقیقاتی ایجنسی نے ضلع پونچھ مانہ کئی مقامات و ر تلاشی کاروائی چلائی۔

۴۔ جموں کشمیر بھر مانہ تنازعہ معاملات گا ویلے سر نمیزا کرن واسطے تیجی قومی لوک عدالت منعقد کی گئی۔

۵۔ محکمہ موسمیات نے پیش گوئی کی ہے جے جموں کشمیر گا بکھ بکھ علاقہ مانہ ہلک تیں 16 ستمبر توڑی بارش ہون غا امکانات ہیں۔

BRICS SUMMIT

بھارت غی صدارت مانہ اج برکس سربراہی اجلاس غو آغاز نویں دلی مانہ ہویو۔ اس سلسلہ مانہ وزیر اعظم نریندر مودی نے نویں دلی غا بھارت منڈاپم مانہ عالمی رہنماواں غو استقبال کیو تے اس موقع و ر تامل ناڈو مانہ واقع معروف رام ناتھ سوامی مندر گو پس منظر پیش کیو گیو۔ قابل ذکر ہے جے اس دو روزہ عظیم اجلاس مانہ برکس گا 11 رکن ممالک تے 10 شراکت دار ممالک نے شرکت کی۔ اس موقع و ر آیا عالمی رہنماواں غی طرفوں عالمی طرز حکمرانی تجارت ت سرمایہ کاری ٹیکنالوجی خوراک ، توانائی ، صحت ، قدرتی آفا سنگ نمژن غی صلاحیت تے دیگر اہم امور و ر تبادلہ خیال متوقع ہے یاد رہ جے مزکورہ اجلاس بھارت غی صدارت مانہ لچک ، جدت ، تعاون تے پائیداری واسطے تعمیرات گا موضوع غے تحت منعقد ہو رہیو ہے۔

TERRORIST BODY RECOVERED

ضلع ڈوڈھ مانہ بھارتی فوج ، سی آر پی ایف تے ایس او جی، غی دہشت گرد مخالف کاروائی غے دوران مارے گیا پاکستانی جیش محمد غی لاش برآمد ہوئی ہے۔ اس سلسلہ مانہ جموں کشمیر پولیس نے سماجی میڈیا و ر پوسٹ کرغے تصدیق کی ہے تے دسیو گیو ہے جے اس کا قبضہ تیں ایم طار رائفل و ر برآمد ہوئی ہے۔ علاقہ غی حفاظت برقرار رکھن واسطے حفاظتی دستاں نے کاروائی جاری رکھی وی ہے۔

SIA POONCH RAIDS

ریاستی تحقیقاتی ایجنسی نے اج ضلع پونچھ غی تحصیل منڈی تے سرنکوٹ گا بکھ بکھ مقامات و ر تلاشی کاروائی چلائی مہارا ضلع نمائندہ غے تحت مزکورہ ایجنسی نے تھویل منڈی گا چھیلہ ڈھانگر تے تحصیل سرنکوٹ گا رہن آلاں دو افراد گا کہراں و ر تلاشی کاروائی کی۔ یاد رہ جے مزکورہ کاروائی اک مخصوص تحقیقات گو حصو ہے۔ تے ذرائع نے اس بارے اجیں گجھ وی تفصیل ظاہر نی کی ہے تے اس بارے مزید تفصیل غی اجیں اڈیک ہے۔

FLYOVERS RXNS

جموں بخشی نگر مانہ نواں فلائی اور غی تعمیر واسطے سرکار گا قدم غی عوام نے ستائش کی ہے۔ مہارا نمائندہ غے مطابق، جموں کشمیر کابینہ نے اس پروجیکٹ نانہ انتظامی سطح پر منظوری دے دتی ہے جس و ر تخمینا 386 عشاریہ 87 کروڑ روپیہ غی لاگت آوے غی۔ مزکورہ

محکمہ موسمیات سرینگر غے مطابق اچ جموں کشمیر مانہ موسم زیادہ تر خشک رہن غا امکان
ہیں ، تاہم بعض مقامات ور بارش ہوسکے۔ 13 تیں 16 ستمبر توڑی چند مقامات ور گرج چمک
سنگ مختصر بارش تے بوند ا باندی متوقع ہے، خاص طور ور سویرے تے تہاڑی غے وقت۔ 17
تیں 20 ستمبر توڑی موسم زیادہ تر خشک رہن گا امکان ہیں ، تاہم الگ تہلگ مقامات ور مختصر
بارش ہوسکے۔ محکمہ موسمیات نے کسانان نانہ مشورو دتو ہے کہ وہ آن آلا دنان غا موسم
نانہ، مد نظر رکھتا وان سیب تے دھان غی فصل غی کٹائی گو کم جاری رکھیں۔
